

FUTBOLA

Toshacken itzulerak hankaz gora jarri du Realaren egitura

Arkonadaren ihesaldiak galesaren esku utzi du erabaki ahalmen guztia

Zuzendari garaia baino, Realean atezain gisa egin dituen urteak gogoratuko ditu Luis Arkonadak aurrerantzean. John Benjamin Toshacken itzulerak ateak zabalik utzi dizkio, futbol taldeak «enpresatzat» hartzen dituen gizon honi. Inaki Alkizak erabaki beharko du zein den bere ordezkia.

MIKEL ARRIETA / DONOSTIA

Azken urte honetan Realaren gudaritza beregain hartu duen gizonak, taldea utziko duela azaldu du berriki Donostiako egunkari baten bitartez. Luis Arkonadak jadanik ez ditu lehendakariorde lanak egiten, eta ekainaren hogeitamarrean taldea ofizialki utziko du.

Arkonadaren bigarren «ihesaldia» ez da ezustean gertatu. Realaren baitan bazekiten, baina denboraldi bukaera arte ez da kaleratu. Realak ohizkoa duen iluntasunean, datorren asteen egingo du «botere» aldaketa. Taldeko kapitaina izan zenak, Toshacken esku utziko du erabaki ahalmen guztia. Galesa Donostiara etorri zenetik gauzak guztiz aldatu dira. Manager nagusi gisa etorri zen, baina azkenean entrenatzaile ere izango da, taldeko erabaki nagusiak berak hartzen dituen bitartean.

Luis Arkonadaren irteerak irakurketa ugari ditu. Ohizkoa den legez,



Arkonadak Realean jokatu zueneko garaiak oraingoak baino hobeak izan ziren.

«garaia heldu dela» dio berak. Baina esaldi horren atzetik zerbait dagoela pentsatu behar da. Lehen aldiz kargua hartu eta hamalau egunen buruan uztea erabaki zuenean, lan arazoak aurkeztu zituen. Lehendakariordea izateak zer eskatzen duen jakinda berri ere itzuli ondoren, nekez pentsatu ahal dugu urte bakarerrako onartu zuela.

Atezain ohia ez dator bat egungo egoerarekin. Elkarte Anonimoen bezperatan futbol taldeak ez daude prest, batez ere «negozio gizon» den atezain honentzat. Futbol zuzenda-

rien «profesionalizazioa» aldarrikatuz joan da Arkonada.

Bidezkoa den guzti horretaz gain, Realak hartu duen norbaridea ez duela gustokoa, susmatzen du batek baino gehiagok. Atkinson berak ekarri zuela, Toshacken itzuleran presio handia egin duela, lehendakari izan nahi zuela... guzti horiek bertan behera geratzen dira momentu honetan. Arkonada profesionalizazioaren ildotik sartu zen Realean, eta etekinak nahi adinakoak ez direla konturatu denean uztea erabaki du, azken finean «negozio gizona» bait da.




PROSINECKIRENA ez dago argi.

Jugoslaviarrak jadanik fitxatu du Real Madridekin, baina Miljan Miljanicek, Jugoslaviako Futbol Federazioko Kirol Zuzendariak azaldu duenez Izar Gorriko jokalariek ezingo du datorren urtean talde txuriarekin jokatu. Guzti honen itzalean irakurketa

politikoa egin daiteke. Robert Prosinecki kroaziarra da, eta Kroaziak datorren igandean bere independentzia aldarrikatuko du. Jokalariak, ordea, ez du horrelakorik onartu nahi, orain arte beti defendatu bait du Jugoslaviako selekzioa. Ikusi egin beharko nola antolatzen den kirol egitura berria.

ATLETISMOA



Atzo aurkeztu zuten, laugarren urtez, Getxoko Sari Nagusia. RAMON BASALDUA

Dennis Mitchell izango da Getxoko Sari Nagusiko izarra

RAMON BASALDUA / BILBO

Dennis Mitchell, Estatu Batuetako atleta, izango da larunbatean Faturan jokatu den Getxoko atletismo sariako izar nagusia. Korrikalari honek, Ben Johnson eta Carl Lewis gailendu ditu aurreko jokatuak lasterketan. Gainontzeko probei dagokionez, azpimarratzekoa 5.000 metroetan izango den partaidetza.

Egundoko partaidetza lortu du aurreko laugarren edizioa betetzen duen Getxoko Atletismo Sari Nagusia. Chidi Imoh nigeriarra eta munduko recordmana izandako Calvin Smith estatubatuarra izango dira ehun metroko lasterketan, lehen aipatutako Dennis Mitchellen arerio nagusienak.

Borroka polita egon daiteke bestalde, 1.500 metroko lasterketan, kontutan izanik, iaz munduko laugarrena sailkatu zen Wifred Kirochi keniarra eta Fermin Cacho izango direla aurreko aurre. Atleta honek, berak duen marka apurto nahi du eta horretarako Washington izeneko korrikalaria kontratatu dute antolatzaileek, erbi lana bete dezan.

5.000 METRO BIKAINAK Baina, lehen aipatutako lasterketan, izen konkretu batzuk dauden bitartean, ez da gauza bera gertatzen 5.000 metroko lasterketare-

kin. Goi mailako atletak biltzea lortu dute antolatzaileek eta edozeinek lor dezake lehen postua. Ezekiel Bitok, Osoro Ondoro, Simon Karori eta Moses Tanui keniarrek, Antonio Prieto, Antonio Serrano, Abel Anton eta Dionisio Castro izango dituzte etsai. Antolatzaileek atzo Bilbon emandako prentsurrekoan adierazi zuten, «ospe handiko atletak eskaini zizkiguten, baina geure helburua ez da ospe handiko gizonak ekartzea izan, sasoian daudenak kontratzea baizik. Urte honetan jokatu-tako mitinetan ikusitakoaren arabera aukeratu ditugu korrikalariak».

William Tanui, Robert Kibet eta Stephen Ole Marai, 800 metroetan parte hartuko duten gizon garrantzitsuenek, egungo markak ezarri zituzten iazko denboraldian. Iaz, muduko markarik onena lortu zuen Romas Ubartas lituaniarra izango da Getxoko Atletismo Sari Nagusian parte hartuko duen disko jaurtitzailearik azpimarragarria, Vaclavas Kidikasekin batera. Emakumezkoen mailari dagokionez, Sandra Myers dugu 200 metroko lasterketa irabazteko faborito nagusia, Dannette Youngen baimenarekin noski. Errumaniarrak dira faboritoak bestalde, 800 eta 1.500 metroko lasterketan, baina garaipena ez dute erraza izango, Sovietar Batasuneko atletak goi mailakoak bait dira.



EUSKAL HERRIKO UNIBERTSITATEA
ERREKTOREGOA

LEHIAKETA PUBLIKOA

Euskal Herriko Unibertsitateko OHoko Irakaslegoaren-Eskoletako ikasleei (Bilbon, Donostrian eta Gasteizen) Euskarazko Ikastaro trinkoa 1991ko iraila eta Urria artean emateko, Unibertsitate honek horretan ari diren eta interesaturik egon daitezkeen erakundeei dei hau luzatzen die, baldintza-pleguak Leioako Campuseko Argitarapen Zerbitzuan eskuratu ahal izanik. Proposamenak, 1991ko uztailaren 12ko 13.00 orduak baino lehen aurkeztu behar dira, Unibertsitate honetako Erregistro Orokorrean.

EUSKARARAKO ERREKTORORDEA